



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolæ per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Membrum II. De Ministro.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

secundum Institutum. *Ecclesiasticis Saecularibus* produca-
tur prima hebdomas in tertium & quartum diem: detur ope-
ra, ut bene cognoscant difficultatem sui Status, cum tenean-
tur se à Mundo avocare, utpote divino Ministerio deputati:
discant bene proventus Ecclesiasticos dispensare, & Zelum
animarum concipiant. *Lasci nobiliores* erudiantur, ut Jus-
titiam bene administrent: ut avaritiam & Superbiam fugi-
ant: ut misericordes ac DEI timentes sint: ut Liberos bene
educant: ut pacifici, & in participatione Sacramentorum fru-
quentes sint: si in re quamvis gravi hæreant, regulæ electio-
num adhibeantur. *Rudioribus Lascis* sufficiet prima hebdo-
mas: expositio mandatorum DEI atque Ecclesiæ, peccata
mortalia, quinque sensus, & opera misericordiæ: ut Sacra-
menta frequentent; bene regant Familiam; facultatibus
justè & sobriè fruantur. *Mulieribus* fermè eadem tradenda
quæ rudibus; nec facile adeantur earum domus, sed ipsæ pri-
tius accedant Ecclesiam pro accipiendis Exercitijs.

VIII. Tertium officium est *Conversatio fructuosa* cum
Exercitante, ad quam pertinet, ut cum quotidie semel saltem
(nisi necessitas aliud exigat, aut utilitas suadeat) opportuno
tempore visitet: ut rationem Meditationis & internarum
motionum, puta Consolationum vel desolationum sollicitè
exigat: in desolationibus & ariditatibus animer, & via-
tum ad faciorem in Meditatione discursum aperiat: tum me-
dia pro ariditate tollenda & devotione recuperanda pro-
denter ostendat: in consolationibus non diu ipsum detineat
sed breviter modum ex ijs proficiendi edoceat, & de reliquo
Creatorem cum sua Creatura, & hanc vicissim cum illo pro-
libitu agere sinat: ut electionis, si ea facienda sit, aptum
modum suggerat, & in dubijs opportuna consilia submini-
stret: ut pro Curatione vitiorum efficacia media præscribat
ut salutaria ad vitam vocationi & Statui suscepto & suscipi-
endo conformem instituendam præcepta offerat.

M E M B R U M II.

De Ministro.

I. Ad hunc tria requirit Directorium c.4.n.3. & sequen-
tibus. 1. Ut sit fidelis, discretus, taciturnus, quique su-
modo

modestiâ, & humilitatis ac devotionis exemplo ædificet. Nihil autem loquatur, nisi de ijs, quæ ministerium pertinent, idque paucissimis verbis. Aliquando profuit huic Ministerio illum deputare, qui notus ac familiaris fuit Exercitanti; hoc enim juvat non solum ad consolationem, sed etiam ad profectum Spiritualem, quoniam aliqui interdum confidentiùs se aperiunt Amicis hujusmodi, quàm ipsi Instrutori, si cum nunquam antea nôrant.

II. Secundò requirit, ut sit Instrumentum Directoris, eúmque de omnibus, quæ circa Exercitantem aguntur, & ipsam Directorem nôsse debere prudenter judicaverit, certio-rem faciat.

III. Tertiò requirit, ut ipsi Exercitanti inserviat, componendo lectum, cubiculum verrendo (quæ duo ferè tempore Missæ exequetur) victum, aliâque, quæ opus erit, munda & apta offerendo, magnâque semper charitatem, & diligentiam præferendo; atque inter alia meminerit, etiam pro ipso quotidie orare.

M E M B R U M I I I.

De Collocutoribus.

Ad hos duo requirit citatum Directorium c. 6. n. 3. Primò, ut sint maturi & discreti, qui Exercitantem tam exemplo, quàm sermone ædificare, & honesto utilisque colloquio recreare in Domino queant. 2. Ut nullum cum Exercitante nisi utilem, & quidem de Spiritualibus rebus sermonem instituant, nullâ tamen significatione, quòd cum ad hunc vel illum Statum impellere velint. Nam præterquam quòd vocatio debeat esse libera, & à DEO venire, ipsi etiam, qui in hac deliberatione versantur, si id intelligant, vel suspicentur, eò magis retrahi solent, & contrà, ut experientia sæpe ostendit, eò magis incitari, cum in Directore, Collocutori- busque nullam cupiditatem talem animadvertunt.

M E M B R U M I V.

De Loco.

Etiam hic, cum aliquo modo serviat ad Exercitia meliùs faciendâ, inter causas Instrumentales latiori in sensu numerari